

2012-imut Nunap Karsiata naatsorsuutaasa akuersissutigineqarnissaat pillugu siunnersuut
(Aningaasaqarnermut Nunamullu Namminermt Naalakkersuisoq)**Saqqummiussissut****1. Siullermeerneqarnera**

Matumuuna ukiumut aningaasaliiviusumut 2012-imut Nunap Karsiata naatsorsuutai Naalakkersuisut sinnerlugit saqqummiutissavakka.

Nunap Karsia 2012-imi 149 mio. koruuninik sinneqartooruteqarpoq, ingerlatsinermik sanaartornermillu suliassaqaqarfinni 80 mio. koruuninik amigartoorinissaq missingersuusiariqarsimagaluartoq. Ingerlatsinermut, sanaartornermt taarsigassarsisitsisarnermullu 65 mio. koruunit amigartoorutigineqarput 301 mio. koruunit amigartoorutaassasut missingersuusiortoqarsimalluni.

2012-imi aningaasaqarnermt tunngasuni tamarmiusuni appariartoqarpoq, ukiumi tassani pingaartumik misissueqqissaarnerit ikileriarnersa malitsigisaannik. Nuummi sanaartornermik suliallit suliassalerujussuupput, parlatuanik illoqarfii amerlanersaanni allani suliassat killeqarlutik.

Tamakku saniatigut qalerallit kinguppaallu akigissaarsimapput, aalisarnermilu isertitat amerleriarnernerit pissutaaqataallutik. Ukiuni siusinnerusuni oliaqarneranik misissueqqissaarnerit malitsigisaannik sunniutaasut nunap karsiata naatsorsuutaasa missingersuutigineqartunit annertuumik pitsaanerunerannut pissutaaqataapput.

Ingerlatsinermut aningaasartuutit tapiissutillu tamarmiusut 2011-miit 2012-imut 3,4 procentinik qaffariarput, isertitat 2,1 procentinik qaffariarlutik. Isertitat amerleriarnernerannut pingaartumik pissutaapput ukiuni siusinnerusuni oliaqarneranik misissueqqissaarnermik aatsitassanillu misissueqqissaarnermik suliat tamakkulu malitsigisaannik sunniutaasut.

Sanaartornermik suliat 2012-imi 1.066 mio. koruuninik naleqarput. Namminersorlutik Oqartussat pilersinneqarmatali suliaqarnerpaaffiusimalluni. 2012-imi Sanaartornermt Iluusaassinernullu Aningaasaateqarfimmit 82 mio. koruunit tiguneqarput.

Ukiup naatsorsuuteqarfiusup 2012-ip naanerani Sanaartornermt Iluusaassinernullu Aningaasaateqarfimmiipput 818 mio. koruunit, sanaartugassat siusinnerusukkut aalajangerneqartut inaarsarneqarnerannut atugassat.

Ineqarnermt, Pinngortitamut Avatangiisinullu Naalakkersuisup sanaartornermt iluusaassinernullu tunngatillugu nassuiaat suliarisimavaa, tassani sukumiisumik tamakkununga tunngasuni suliarineqartartut nassuiarneqarsimallutik. Sanaartornermt Iluusaassinernullu Aningaasaateqarfik pillugu nassuiaat Inatsisartut katersuunneranni immikkoortutut oqaluuserineqassaaq. Nassuiaat taanna innersuussutigerusuppara.

Ingerlatsinermut, tapiissuteqartarnermt inatsisitigullu pisussaaffigalugit aningaasartuutit kontoni ataatsimut isigalugu atuinikinnerusoqarsimavoq.

Naalakkersuisut ukiup ingerlanerani sulianik Inatsisartut Aningaasaqarnermt Akileraartarnermullu Ataatsimiititaliaannut, aningaasaliissutinik, aningaasaqarnermi 80 mio. koruuninik ammut sunnuteqartunik akuersissuteqartarsimasumut, saqqummiussisarput. Suliat tamarmik Aningaasaqarnermt Akileraartarnermullu Ataatsimiititaliap akuersissutigisarsimasai ilassutit aningaasaliissutinut inatsimmi ukiumoortumi 2013-imi upernaakkut Inatsisartunut nassiussuunneqartumi ataatsimoortitaapput.

2012-imut naatsorsuutit Namminersorlutik Oqartussat kukkunersiuisartuinit allaneersunit apeqqusernagit kukkunersiuisartutut naqissuserneqarput. Taamatut naqissusiineq isumaqarpoq kukkunersiuisartut naatsorsuutit eqqortuusutut isumaqarfigaat naatsorsuutillu apeqqusernagit akuersissutigineqarsinnaasut.

Inatsisartut Kukkunersuinermit Ataatsimiititaliaata kukkunersuisartut kukkunersuinermit oqaaseqaataat tigoreerpai. Kukkunersuinermit Ataatsimiititaliap Naalackersuisut qinnuigai oqaaseqaatini kaammattuutigineqartut oqaaseqaatigineqartullu allakkatigut akissuteqarfigeqqullugit. Naalackersuisut oqaaseqaatitik Kukkunersuinermit Ataatsimiititaliamut nassiutereerpaat.

Maannakut Kukkunersuinermit Ataatsimiititaliap 2012-imut naatsorsuutit kukkunersuisartullu oqaaseqaataat aamma Naalackersuisut taakkununga akissutaat suliarissavai. Kukkunersuinermit Ataatsimiititaliap suliarereerunigit isumaliutissiissummik saqqummiussissaaq.

Naalackersuisut Nunap Karsiata 2012-imut naatsorsuutai pillugit Kukkunersuinermit Ataatsimiititaliamik pitsaasumik oqaloqateqartarnissartik qilanaaraat.

Taamatut oqaaseqarlunga Naalackersuisut sinnerlugit Nunap Karsiata 2012-imut naatsorsuutai Inatsisartunut aamma Kukkunersuinermit Ataatsimiititaliamut suliaassanngortippakka.